



UNIVERSITÄTS-
BIBLIOTHEK
PADERBORN

Illvstrivm Scriptorvm Religionis Societatis Iesv Catalogvs

Ribadeneyra, Pedro de

Antverpiæ, M. DC. VIII.

V.

[urn:nbn:de:hbz:466:1-68452](#)

uit; & sublato impedimento, ad Societatem aggregatus est.

V.

VALENTINVS GERARDVS, natione Gal-
lus, patria Ambronensis, scripsit Gallicè
*Triumphum B. MARIÆ Virginis, à calumniis
Caluinianorum ministrorum vindicatum.*

VENCISLAVS STVRMIUS, natione Bohemus,
patria Tinensis, Græcas & Latinas litteras in So-
cietate docuit, & diu multumque concionatus in
missionibus est, quarum incommoda multa alaci
animo tolerabat, paupertatis amator, obedientię ap-
primè cultor, proximorum salutis studiosissimus.
Collegiorum Pragensis & Crumloviensis Rector
fuit, primusque qui Bohemico idiomate contra Pi-
cardos scripsit, videlicet,

Concordiam fidei.

*Apologiam contra Silnium Huberinum, & contra
Concionale Picardicum, & alteram Apologiam defen-
sionis Concialis. Migravit ad DOMINVM expleto
ætatis anno LXVI.*

VINCENTIVS BRVNVS, natione Italus, patria
Ariminensis, cùm Medici officio fungeretur, cu-
randisque ægtotis operam daret, nostram ingressus
est Societatem, ac diuinis litteris eruditus, propter
eximiam probitatem, modestiam, & prudentiam,
Collegio nostro Romano præfectus est, illudq; per
multos annos integrè, suauiter, atque prudenter
gubernauit. Romæque anno, ni fallor, salutis M. D.
xciv. de corporis ergastulo liberatus, ad cælestes
sedes, vti speramus, à DOMINO translatus est, an-

num agens circiter LXV. Scripsit præclarè materna lingua, quæ & Latinè conuersa Coloniæ Agrippinæ exierunt,

De Vita, Passione, & Resurrectione DOMINI Tomos tres; in quibus præcipua eius mysteria explicantur, & modus ea meditandi traditur.

De Vita Beatisimæ Virginis MARIAE, Ioannis Baptiste, & Apostolorum, Martyrum, Confessorum, Virginum in communi, Tomum unum.

Meditationum in Euangelia, quæ Dominicis diebus leguntur in Missa, Tom. I.

De sacramento Pœnitentia, cum examine generali ad confessionem generalem, lib. I.

Z.

ZA CHARTAS ROTH, natione Belga, patria Flander, diligens concionator & copiosus, zeloque promouendæ diuinæ pietatis ardens, in castris Frisiæ militibus operam consolando dans extinctus est. Scripsit in Eburonum agro,

Catechismi lectiones XII. cùm Gallicè, tum Belgicè.

PETRVS RIBADENEIRA, natione Hispanus, patria Toletanus, omnium totius Societatis IESU minimus atque indignissimus filius, anno salutis M. D. XL. die XVIII. mensis Septembris, ad Societatem nostram tunc nascentem, & nondum à Sede Apostolica confirmatam, Romæ singulari Dei beneficio puer adductus sum, & à B. P. nostro IGNATIO admissus, & multis ac magnis perfunctus labori-